

皇朝詞林典故

卷三十三

之三十四

PL  
2548  
C55  
1887  
v.19-26

MAR 24 1887







皇朝詞林典故卷三十三

藝文

詩

奉

命入直南書房午後蒙

恩召至

御前賦詩恭紀二首

張廷瓚



觚稜日影上花磚。簪紱端趨

黼座前。咫尺含香

天表近。從容授簡

聖恩偏。爐分細霧縈斑管。簾動薰風拂彩箋。

秘閣琳瑯羅四庫。卿雲糾縵頌

堯年。

清漏瑤階報午籌。承



恩許坐

殿西頭。幾年載筆趨

鸞掖。今日揮毫集

鳳樓。

聖主崇文超百代。

微臣

異數紀千秋。好分太

乙青藜火。天祿牙籤勉校讐。

侍直



南書房繕寫

御製詩集恭紀二首

張廷瓚

睿藻繽紛錦帙盈。

萬幾暇日偶怡情。

精思直壯山河氣。

洪響高凌雅頌聲。璧月宵浮清漢出。海霞朝

映紫瀾生。虞廷歌咏同焜耀。黃竹秋



風敢擅名。

大義包羅豈易窺。民情天道繫

深思。

翠華赤縣巡方日。裴几

經幃進講時。邱隴力耕憐野老。關河久戍念

王師。寰區萬象歸

宸翰。不是尋常月露詞。



四月初二日

御書玉堂二大字

頒賜恭紀二首

張廷瓚

豹尾追隨

帝澤隆更頒

宸翰出

行宮縱橫筆勒千鈞勢。疎密鋒藏八法



工。雲錦乍舒迎海日。鸞龍高翥御天  
風。蓬門永荷

榮光護。不獨騰輝雀舫中。

珠榜曾

題篤素堂。

直廬佳氣映文昌。千秋寶共琳瑯重。兩

世榮分



翰墨光。玉署忝隨簪筆侶。石渠深媿校書郎。

敬瞻

天藻思圖効。大乙藜然午夜長。

乙亥六月二十日奉

召至

暢春園

賜食於



松韻軒

賜宴於

淵鑒齋宴畢敬瞻

御書於

佩文齋

賜

御筆書扇并紅白千葉蓮一瓶恭紀十二首



張廷瓚

金貂

宣召入

離宮閭闔門開

禁苑東轉過

聖人勤政地黃羅高覆

御牀中。



宛轉同廊啟

細旃新晴雲影落窗前。香生玉粟流匙

滑。尙膳先

頒玳瑁筵。

紫蘭含露傍雲偏。

淵鑒齋頭玉井蓮。魚鳥直同靈沼樂。菰

蒲深處白鷗眠。



天酒光浮白玉杯。枇杷金果伴楊梅。  
更餘菱實清芬甚。新採蓮房出水來。  
遏雲亭畔竹闌橫。素蕊疎篁遶徑生。  
如到蓬山最深處。幾多瑤草不知名。  
南粵名花重佛桑。遠游無計見芬芳。  
新從

上苑憑闌玩。海日初飛赤玉光。



牙籤插架

佩文居。簾捲和風曉。漏餘。浥露研朱長。

晝靜。

君王清玩總圖書。

龍箋千軸燦如林。

宸翰雄奇冠古今。筆力由來

天縱異。臨池况復



聖功深。

分頒宮扇玉牀前。

天藻淋漓

寶墨鮮。自顧微生同小草。仁風披拂已年年。

藕花開徧釣魚磯。含蕊千重異種稀。

十隊明霞香撲路。侍臣齊捧膽瓶歸。

歸陳肴核薦宗祊。位置天葩斗室香。



更展

御書窺八法。紫霄佳氣燭文昌。

迎門老稚盡騰歡。浩蕩

恩波碧海寬。勝事千秋寧易覲。

微臣

兩世遇

尤難。

二十三日

恩賜新筍數枝名鴈來筍恭紀二首



張廷瓚

春林鴈筍露華滋。驛使封題貢

御時。自昔京華曾未識。

分頒塞北遇尤奇。

解籜香生綠玉痕。得嘗珍味荷

君恩。宵來清夢留人處。家在江南水竹村。

蒙



恩賜觀

御製詩集恭紀

王士禎

聖主崇經術。雍熙暨八荒。

鴻名垂海島。重譯集梯航。雲物生松棟。音徽

嗣柏梁。宜民期太昊。訪道媿軒皇。嚴

漏趨

丹陛。清秋屆白藏。承



恩披雅頌。開帙粲琳瑯。體配江河紀。芒含日

月光。

宸衷羅武庫。台象接文昌。氣邁三侯壯。思深

六義長。銀鉤輝璧琬。錦字溢縑緗。劍

閣看雲合。橫汾詠菊芳。雄篇包宇宙。

細律叶宮商。寶鼎歆金景。聯珠照玉

堂。微臣依



黼幄。樸學媿青箱。極北常瞻斗。周南啟面墻。  
賡歌知莫繼。長此誦

天章。

賜西域葡萄二株恭紀二首 王士禎

御恩特賜草龍珠。手向東園劖綠蕪。未擬芳  
香輸橘柚。卽看甘液勝醍醐。

天馬蒲桃隔月氏。貢來新白玉關陲。



蓬萊殿上初

宣賜。何用崎嶇遣貳師。

乾清宮

御試紀

恩詩

謹序

彭孫通

絳杓東指。朱翼南翔。月在上春。律中  
鳴筒之簇。日當下浣。數符化瑟之絃。



皇帝位天德而正中。觀人文以成化。迺

召翰詹諸臣。親試於

保和之殿。

紫微親切。躬秉權衡。

丹筆淋漓。手題甲乙。品裁各當。銓綜惟明。越

二日。復

召臣至



乾清宮。再加

甄試。於時三階靜正。萬象淑熹。登

中禁之宮庭。受

上方之筆札。一檠官燭。花綴祥蓮。八簋

仙肴。香融瑞蕙。

宸嚴下濟。

天語春溫。



璣鏡洞開而物無遁照。

奎文肆映而人被餘輝。誠

盛朝之

曠典而臣子之奇逢也。臣刺草微生。雕蟲小

技。對策於

世祖開科之日。濫廁進呈。獻賦於

聖皇親制之年。猥居選首。叨



兩朝之知遇。荷載筆於

軒墀。今又蒙

召赴內廷。上邀

睿賞。疊承

恩寵。莫効涓塵。夫嘉澤霑漸。朽木尙蒸爲朱

茵。陽和煦被。寒葵亦貢其丹心。臣雖

至愚。類非草木。敬上五言詩一首。凡



四十韻。抽月露之微吟。識雲天之新  
渥。情深戰栗。念切捐糜云爾。

軒后垂裳曰。

姬王脫劍年。貞符彌宇宙。廣澤浹垓埏。問俗

因尋岱。勤民爲濬川。自然垂帶礪。仍

此沛雲天。租調頻寬復。繁苛盡滌蠲。

崇儒還釋奠。重道必興賢。萬里漸文



教羣材入

化甄克知需藻鑑並

命集花甄共仰

冰衡朗重蒙

玉敕宣入門徒踟躇。俟屢敢遷延授簡

螭坳上。摘毫

鳳展前琴離披彩仗。清切近彤筵。繡城



承蒿柱。文榱拂蕙櫂。玲瓏珠綴繞。錯  
落綺疏圓。

聖德覘恭儉。

宸居挹靜便。詎須卑禹室。終不斲堯椽。太素

規模遠。初春氣候先。韶光空際轉。淑

景午餘妍。寒色銷蘭路。晴暉散柳蹊。

瑞雲叢捧日。芳樹澹籠烟。薄靄霑衣



重。流霞染案鮮。筆床紅窈窕。硯沼碧  
淪漣。百和研香麝。雙番擘粉箋。移時  
宮漏下。向夕禁鐘傳。殿隱鴛鴦瓦。簾  
垂翡翠錢。露浮棲爵外。風定相烏邊。  
紫篆春長潤。丹蘂晚更然。從容

天語懌。稠疊

主恩偏。瓊茗教承飲。珍肴出



賜籩屬厭情自飫。消渴病應痊。祇媿枯毫弱。

難窺

睿學全。讀書窮閭奧。論史破拘牽。華黍吹笙  
遍。

蒼祇薦璧虔。未能忘海岳。空自守蹄筌。霄漢

三辰麗。璿璣七曜懸。人人垂注渥。一

別丹鉛。細似抽絲繭。明如燭蕊淵。



大鈞無枉互。朽質有雕鐫。叨被誠深  
矣。鑽摩庶勉旃。葵心雖在染。匪石亦  
長堅。

賜

御書恭紀

彭孫適

瀛洲臺閣愴無暑。南薰一奏風泠然。  
槐陰日上初辨色。琴離黼座開。



御筵。

萬幾裁罷清且豫。馳驟翰墨揮雲烟。金膏染  
出蜀江錦。銀鈎鐵筋何精妍。或如鶻  
起勢聳拔。又似鳳翥姿翩躚。縱橫天  
矯不可狀。中有逸氣相盤旋。壁間蠹  
簡久不睹。八分飛白頻流沿。鍾王代  
興法始備。擅絕此事千餘年。豈知



聖學亦遊藝。脫略迹象捐蹄筌。頓令神詣掩  
前哲。洵由天授非師傳。來汝詞臣  
特頒賜。曉衙忽奉

中旨宣。金繩玉軸皆至寶。寸珠探得驪龍淵。

諸臣取一臣取二。抃舞不覺衣裳顛。

循牆歸去竊三嘆。

皇仁自近匝八埏。時平端藉



主明聖。崇文稽古親儒賢。臣之遭也亦何幸。

出入

禁闥猥備員。誦詩往往窺比興。講易稍

稍聆性天。庶竭餘齒答

溫詔。不才朽質窮雕鐫。琅函什襲敢褻視。

奎光上燭太乙躔。願捧

宸藻被金石。中天日月長高懸。



五月二十五日

上召內閣大學士部院府寺堂官翰詹編檢

以上科道諸臣於

保和殿各

賜

御書一幅

臣

頊齡得絕句其詞云青天蜀道

不難攀思入微茫杳靄間稍著一區



楊子宅居然秀甲九州山下有臨董

二字越三日諸臣合詞上表謝

恩恭紀

王頊齡

金殿霏微曉日融。

御書擎出

建章宮。登牀常侍爭先乞。

時諸臣懽躍  
競前爭取聲

徹殿陛。飛白文皇恨未工。



手詔輝煌瞻舞鳳。

上手書  
旨示諸臣。卽分

諭賜

大學士  
各一幅。

恩綸溫靄被薰風。

傳諭曰。時當齋戒。未  
及賜飯。諸臣莫飢否。

聖心體卹周至。  
聞之莫不感激。小臣何幸叨

天寵。

寶墨傳家奕世榮。

叨司瑤籍佐銀潢。拜捧



天書到草堂。

奎寶輝煌騰鳳紙。驪珠的爍吐龍章。邇英賜

翰眉山寵。玉署題名易簡光。慚媿樗

材蒙

雨露。惟依

日月頌無疆。

瀛臺



賜宴詩四首

有序

陳維崧

粵以歲次重光。支逢作鄂。南薰謝令。

西顥乘權。

皇帝方居清暑之崇臺。御招涼之邃館。用頒  
大賚。載衍羣工。若夫路入

東華。橋通

西苑。莎偏泥泥。秋未露以何稀。樹只騷



騷夜不風而自響。霏微殘月銀弓猶  
挂於高城。厯落疎星珠斗尙斜於遠  
岫。坐平沙之似毯。肅俟傳呼。藉嫩卉  
以如羅。遙憑宣喚。赤烏毬躍。魚鑰爭  
鳴。

丹鳳書銜。

龍樓早闢。雞人喔喔。飛繡鞚以遄催。虎



皇朝詩林典故 卷三十三  
士銑銑翼珠珂而並入。紅門窸窣水  
面已維青雀之艘。

紫掖透遲。柳絲先隱黃龍之軸。俄傳泛

艇盡

許登舟。斯時也。

太液波紅。一奩鞞鞫。

上林烟碧。滿幃玻瓈。黃頭擁畫檝以平



搖長鬣撥蘭橈而競發。千衫艾葉映  
水蓼以彌鮮。萬綬桃花雜風荷而倍  
嫵。鳩鵲啁呶。四圍皆王母靈禽。竹柏  
微茫。一片悉姮娥寶樹。中流遙矚青  
爲好時之田。極浦凝眸。黃是昭陽之  
瓦。誰知

帝室



皇居之畔。別自成村。未審南唐北宋之間。疇

工此畫。行到瓊樓玉宇。

天上晴多。除將

鳳船龍舫。世間秋少。爰乃停綵竿。弭牙

檣。陟陂陀。沿峭蒨。屢遵

輦路。距

帳殿以非遙。幾折繚垣。隔



慢城而不遠。山呼以拜。魚貫而前。時則  
瞳矐綺旭。赭袍隨繡。織交輝。赭赫彤  
霞。

御榻屹花磚相向。忽覩紛綸之狀。陳於

殿廡之間。夫其疊繒成峯。吹紈散霧。千

箱霜雪。剖來碧海之綃。百筐雲霞。販

盡平陵之綵。鶴頭綾織白



尙方局內。毬路錦漂。從裂帛湖旁。雙心

檀暈。

三殿齋來。五福鈿窠。

九重飛下。璫瓏單複。擬綺毳以逾溫。綵繚縱

橫。笑豐貂之未煖。雖使量來玉尺。莫

罄

恩長。縱令負用銅仙。難勝



貺重。何期晝永。月墮懷中。詎信秋初。春還袖  
底。擎來水涘。鴛鴦解妬。以爭啼。捧向  
林臯。孔雀生慙。而輟舞。無何而雁翅  
筵排。魚鱗幄比。沙明水淨。飄颺張紕。  
幕三千。野曠秋清。重疊列華茵。十二。  
紅蘭壓架。怡照。

文廊。紫萼成叢。徧搖。



黼帳銀罍告濯。翠釜云調。然而羊臠雉  
醢。未便稱珍。鴨棚鷄纖。何由示美。卽  
或弋來紫鵠。落雉永於雲端。獵得黃  
鰲。致羶薌於海上。羹湘錦帶。餅裹紅  
綾。牢丸旣弱。似飛綿。薄夜亦柔。如積  
素。抑猶未足以誇。

禁臠之甘。而奪侯鯖之麗也。繫爾臣僚。



夙饜江湖之味。惟茲卿尹。半居魚稻  
之鄉。儻遂庖虛魴鯉。曷用爲歡。若其  
俎乏鱠魴。安能取飫。獻師芳餌。乍投  
綸於百子池頭。養宰雕盤。旋斫鱠於  
九成宮外。假之雷雨。銀鬢颯爽。以能  
飛。濟以鹽梅。錦鬣軒騰。而欲動。於是  
頻頒琮筯。滿漈金觥。百壺急送。風前



之喝盞參差。三雅橫飛。樹底之行杯。  
絡繹。酒痕縹碧。都黏學士之袍。釀色  
鵝黃。齊上叅軍之袂。漏沉虬箭。尋日  
影之將斜。風捲鷓鴣班。倏珮聲之欲散。  
重申

天語倍荷

聖慈。



堯階忭舞。冰藕堆空。

文囿趨蹌。碧蓮委地。盈襟菱芡。平拋興慶之  
琲珠。一握葡萄。徧灑平陽之銀豆。馱  
裝寶馬。共鷁綺以續紛。攜出

銅龍滿

鳳城爲歡笑。九衢迎問。何來方朔之桃。  
萬戶傳觀。不數河陽之果。臣綴微班。



猥叨異數。才慙鮑俊。菖蒲賡燕鎬之  
詩。文遜班香。芍藥奏橫汾之曲。

西苑新晴曉色開。涼飈瑟瑟

鳳城隈。千官秋泛芙蓉舸。七月春生瓊

珀杯。碧甃紅墻臨鏡出。金簫玉笛拂

雲催。

天家殿閣清如水。不信真從此地來。



黛幙參差紺榭通。

君王新幸

日華宮。四圍劍佩山光內。一簇貂蟬水  
色中。雪瀑釀來黏綠箬。錦鱗斫處映  
丹楓。筵前忽訝秋花滿。冷艷霜欺葉  
葉紅。

繽紛綵幣滿



朝班。

賜出龍紋霄漢間。乍撫霜紈冰滑笏。遙擎霞  
綺月彎環。絲從濯錦江頭曬。衣向穿  
針節後頒。爲聽

九門鴛杵急。

宮袍分給侍臣還。

盡日天香染



紫微。

鳳皇闕下拜

恩暉才慚入。雛年非少人。到游仙遇總稀。縹  
蒂攜將菱芡重。雕鞍壓得芰荷歸。天  
南又報饒歌競。早晚彤弓  
勞鐵衣。

八月十三日



賜藕恭紀

陳維崧

霽旭升黃屋。風潭敞碧城。

君王臨水殿。曉色冷蓬瀛。鳳舸遵遙瀨。龍堂

擢秀莖。低拳波碎濺。小摘蔓斜縈。堆

去銀灣滿。攜來玉臂輕。早涼侵紫奈。

內熱笑朱櫻。爽便寒鉞削。鮮宜雪碗

擎迴。



鑾纜北渚。懷果徧西清。是日歡尤劇。移時感  
倍盈。多年遭汨沒。一勺荷生成。詎料  
淤泥質。終承採掇榮。孤芳長襲襲。晚  
節信硜硜。夙世蓮臺種。他年華頂行。  
皇都霑杏酪。澤國想蓴羹。折罷絲還在。拋  
殘葍又生。歌魚歡藻密。向日效葵傾。  
節值今秋閏。霄鄰晦日晴。



恩光渾不夜。萬里總瑤京。

皇朝詞林典故卷三十三



皇朝詞林典故卷三十四

藝文

詩

侍直

南書房

恩賜

御書臨蘇軾書陶潛詩一幅恭紀二首



徐嘉炎

詔許儒臣侍執經。薰風長日拂雲屏。圖書玉

架晴繡碧。

殿閣湘簾晝擁青。羣捧

龍章尊訓誥。欣承

鳳簡作儀型。深慚獨荷瑤箋

賜。奎壁芒寒貫



紫庭。

陶公高潔賦歸來。蘇子當年冠蜀材。

應識

宸衷褒逸操。懸知

天藻賞奇才。烟浮繭楮霞添繞。墨灑麟毫翠

欲開。何幸傳家珍綠筍。近光常得倚

雲裁。



恩賜翰詹諸臣鮮藕恭紀二首

汪楫

托根

靈沼自年年。綠葉金房敢較先。華井虛

傳花十丈。瀛臺真見藕三千。

是日。

賜

藕計三千枝。

擎來只似移瓊樹。踏出渾疑

采玉田。從此碧城添盛事。肯教珠寶



擅芳鮮。

鷓鴣膏與佩刀融。片片寒光落腕空。  
共擬截肪同瑩白。驚看切玉得玲瓏。  
西池舊種千年碧。

太液初消十里紅。最是承

恩逢晦日。只疑捧出月明中。

蒙



召入

南書房供奉

朱彝尊

本作漁樵侶。翻聯侍從臣。迂疏人事減。出入

主恩頻。短袂紅塵少。晴窗綠字勻。願爲溫室樹。相映

上林春。



恩賜禁中騎馬

朱彝尊

魚鑰千門啟。

龍樓一道通。趨翔人不易。行步馬偏工。

鞭拂宮鴉影。衣香苑柳風。薄游思賤

日。足繭萬山中。

恩賜

御用衣帽恭紀。

朱彝尊



鶴紋初啟

尙衣封。藤帽朱絲白。

九重。

日角乍辭宮樣穩。冰紈不散。

御香濃。玉堂掌故傳他日。青鏡衰顏話舊蹤。

回憶滄江六年事。筓皮荷葉釣船縫。

甲子元旦



賜宴南書房歸

上復以肴果二席

賜及家人恭紀

朱彝尊

纔承

曲讌侍仙闈。又徹

瓊筵到北扉。歲酒更番移席勸。

主恩一念感心微。比鄰漏下驚窺戶。兒女燈



前笑攬衣。閒向金坡說遺事。全家

賜食古來稀。

恩賜內紉恭紀

朱彝尊

上闌初日映簾犀。

天語聽傳

紫閣西。織白珠宮加熨貼。擎來黃紙驗  
封題。折枝花訝臨風並。掉尾鯨看戲



水齊。端綺入春。

恩再洽。稱詩彌媿在梁鵲。

恩賜鮓魚恭紀

朱彝尊

京口鮓魚二尺肥。黃梅小雨水平磯。

乍黏越網千絲結。早見燕山一騎飛。

翠金鳴薑纔

敕進。玉河穿柳旋攜歸。鄉園縱與長干近。四



月吳船販尙稀。

駕幸湯泉應制

汪琬

律當無射候。嚴

蹕向新豐。菊映

鑾輿艷。雲迎

輦路紅。

天王停彩仗。



文母駐旌宮。騎從皆羣俊。追陪儼上公。靈泉  
來滾滾。佳氣繞葱葱。源自丹砂發。流  
將碧落通。登臨紆

睿覽。遊豫愜

宸衷。玉甃凝香霧。紗牕障朔風。陽回溫谷內。  
春在繚垣中。惟羨瑤池水。能傳浴日  
功。



庚申八月三十日

上御瀛臺

宣賜翰詹諸臣新藕紀

恩三十二韻

李來泰

蘭殿薰風轉。

瀛臺湛露盈。

恩波涵太液。



宣賜遍承明。憶昨

芙蓉苑。曾瞻菡萏榮。

大鈞宏化理。庶物達勾萌。擢秀依

天漢。攀英繞

帝閔。耕泥無屈曲。布沼得崢嶸。華葉都相偶。

橫縱各遂生。體殊葑菲棄。采共藻蘋

盛。是日秋方半。先時氣已更。芽添知



紀閏津滿。恰逢庚驟對。瑤池碧疑從。  
玉井行。花磚香霧擁。槐砌綠陰迎。隱  
劍空聞幻。如船浪博名。玲瓏仍宛宛。  
盤錯見硜硜。小摘瓜垂乳。長條筍脫  
紉。藏淵根信美。泛淥色逾清。不假緣  
青壁。偏宜捧翠罍。均嘗隨

講幄。



特賚異諸卿。拂袖鑪烟合。披襟爽籟并。冰銜  
真足並。牙節儼分擎。拜舞趨

丹地。提攜出

紫城。折來瓊屑濺。牽處素絲縈。沆漭原

同潔。琅玕訝許輕。浮堪諧白柰。熱未

愜朱櫻。沁齒凌聲聚。支頤雪液傾。元

漿凝石髓。仙掌濕金莖。乍解相如渴。



三草言林典故 卷三十四  
旋消阮籍醒。受和惟藿食。銘

德勝匏羹。味諫慚何補。還餐祇若驚。禮賢思

杖杜。式燕詠蒿苹。用勵冰霜志。能忘

祓濯情。折荷欣欲賦。在藻樂重賡。

賜翰詹諸臣鮮藕恭紀

施閏章

冀陞分甘切。

龍池



寵賚遙。擎來橫白玉。捧出下青霄。旋雪花香  
在。深嘗野興饒。漫誇仙掌露。渴病已  
全消。

初入翰林呈諸同館 方象瑛

十年對策尙萍居。舊業瀛洲夢已虛。  
執戟未能同曼倩。凌雲何幸薦相如。

西清



召試晨趨陞東觀

傳宣夜著書。從古三長知不易。無才真自媿。

簪裾。

時奉命纂修明史

賜藕紀

恩

方象瑛

拜

賜驚傳太液池。分甘恰值薦秋時。



君恩絡繹絲千縷。臣節堅貞玉幾枝。雪碗初  
擎榮祖父。鸞刀試劈餉親知。託根幸  
有冰心在。報稱真慙

雨露私。

詔觀西洋國所進獅子。因獲遍閱虎圈諸獸。  
敬製長句紀事和高陽相公

毛奇齡



古皇慎德開四譯。內被綏侯外蠻貊。  
貢物區爲王會文。共球載在賓庭冊。  
河鏐畎翟獻上方。兜離僭佻陳明堂。  
三靈旣應百神洽。般般之獸皆翺翔。  
康熙戊午十七載。

神武聲名播遙海。五時從教白澤來。千門真  
見黃龍采。鴉翎習習負矢飛。鷄斯之



乘歸林支。諸方執贄儼相列。東漸溟  
渤流沙西。于中有國名古里。曾渡瀾  
滄作海市。魚眼看波射水紅。鮫絲織  
浪翻雲紫。地當申未產獸雄。金精傑  
出毛羣中。銜綵飾組獻。

天子裁貝作章辭禮恭。從容檻致射熊館。不  
爲珍禽爲懷遠。虎落時看接上林。鷹



房秋到移南苑。廷臣侍從欲賦詩。

皇恩有詔徐觀之。圓目昂鼻有筋力。懸星掣

電無雄雌。獨憐髭髮未卷曲。曳尾繼

紕若散絲。衣被欲成鞠色見。牙齧不

使鉤形施。爾時羣檻柙諸獸。木壘槍

樊列前囿。熊羆避路不用當。虎豹攀

欄有時吼。青鸞赤雀相對栖。豪猪野



馬爭游嬉。張昭見此不動色。朱亥在  
旁何所思。聞之有熊狩。暘谷獲得狻  
猊。比牛畜。漢時安息亦獻斯。形似麒  
麟。但無角。從茲郊祀播樂章。射烏格  
鹿非尋常。鑊吹已陳朱鷺曲。徵歌還  
及白狼王。何如儲侍未完緝。

詔遣求賢共來集。東堂甫布網羅成。西域剛



逢旅獒入招搖乍啟禁籞開白麟有  
對皆奇才。請看太保卷阿賦。恍見文  
王靈囿來。

上御瀛臺賜宴汎舟兼賚文綺表裏蓮藕恭

紀四首

毛奇齡

芙蓉便殿接蓬萊。秋氣新從太液迴。

御苑



賜來三島宴。瑤池捧出萬年栢。隄長畫鷁銜  
波轉。水面金鱗入饌來。醉飽載歌臨  
抃舞。尙餘湛露滿罇罍。

滄池詔許汎仙槎。雲際迴看

帳殿賒。畫艫開時翻桂槳。瑤臺深處見

荷花。衣光翠落波間練。纔色晴分海上

霞。游盡蓬萊千萬頃。金盤親噉棗如瓜。



玉虹高駕啟朱函。早見瓊林有

賜緘。幸拜恍人新鳳錦。渾忘學士舊鵬衫。攜

筐入白煩中使。束帶簽黃署細銜。欲

被縷絲

恩莫紀。五纓十緝倍摻摻。

上林賚菓減封題。藕節蓮窠乍出泥。

鎬飲已歌蒲與藻。柏梁羞賦栗和梨。



盤留白雪遮羊胖。盃覆青銅散馬蹄。

蓮名馬

蹄盃

三載金門霑湛久。今來誰敢

厭茹藜。

秋日

賜翰林詹事官太液池藕

嚴繩孫

宸遊采藕

上林中。



賜出

西清拜舞同過

闕涼露仙掌露。歸鞍香散玉堂風。渴憐

華井沉冰白。老憶江潭墜粉紅。俱是

恩波親洗沐。夢魂長繞

日華東。

衆



恩入直

南書房恭紀

蔡升元

蓬壺方丈迥難攀。

特詔趨陪供奉班。豈有寸長窺

聖藻。常教尺五近

天顏。

尙方給札雲窗近。



秘閣繙書晝漏閒。從此朝昏依

日月。更無塵夢到家山。

蒙

恩賜宅雪池恭紀

蔡升元

甫入

明光離葦門。

賜居何幸首蒙



恩。鑿冰尅日成華廈。架棟連雲傍。

禁垣。五色霞蒸樓煥彩。

九重春到室添溫。感深轉憶清苕宅。滿逕蓬

蒿老樹村。

賜宅後蒙

恩命內務府辦給器具移家之日

詔詹事臣陳元龍伴送入宅恭紀



蔡升元

上林嘉樹喜遷喬。

太液晴波景色饒。便展圖書趨

紫禁。直攜家室上丹霄。寸絲粒粟由官

裏。厚地高天托

聖朝。歸第更叨

恩禮重。春風並轡有宮僚。



奉

命編纂厯朝詠物詩類下直後蒙

恩遣中使詢視屋宇恭紀

蔡升元

舁陋如

臣

厠直廬。一編讐校愧才疎。

天街蹀躞朝隨輦。雪案摩挲夜檢書。

歸院春山看厯厯。巡檐夏屋樂渠渠。

君恩似海深無際。更



敕中官問

賜居。

蒙

恩賜遊

暢春園恭紀十首

蔡升元

高齋凌碧漢。甲觀俯清漪。靜鑑無遺照。

澄淵豈易窺。燕閒仍典籍。苑囿亦茅



茨。

儉德尤堪紀。規模百世師。

背山橫作障。導水匯成溪。雨歇千林  
霽。春深萬綠齊。氤氲香不斷。咫尺徑  
還迷。何處延朝爽。高樓有

御題。

承



恩中使引。先上木蘭橈。曲岸穿花出。層巒鎖  
樹遙。陂池臨潏沔。臺閣望岧嶢。最好  
晴波裏。垂楊蕩畫橋。

榜題皆

睿製。結構本天成。繪景四時備。標名萬象呈。  
昔聞靈囿沼。今見小蓬瀛。彷彿攜雙  
屐。春山隊裏行。



嘉植多南產。移栽不畏寒。瓊枝凌百  
尺。虬幹鬱千盤。偏似冰霜勁。都緣  
雨露寬。更難葱翠色。北地長琅玕。

閨苑羣芳集。金鈴護碧紗。高低千萬  
樹。紅白淺深花。籠日重重錦。迎風片  
片霞。滋培由

聖澤。春色白無涯。



最有花王貴。仙姿迴軼羣。洛城應減色。歐譜亦虛聞。露浥金莖重。香從

玉案分。芳名多未識。十畝看瓊雲。

峰迴披石洞。別有一壺天。巖壑生成

秀。鶯花分外妍。琴聲調細溜。奩影倒

晴川。應接真無暇。山陰莫浪傳。

若比武陵源。尤堪避俗喧。桑麻新闢



野桃李儼成村。列肆符天市。平疇接

禁園吾

君遊息處。念念在黎元。

晝永還霑

賜傳餐

內饌豐瓊酥凝曉露。珠粒挹香風。飽飫  
恩無已。沿洄興不窮。直廬天尺五。一棹小橋



東。

乙丑正月二十五日

御試翰詹諸臣於

保和殿越二日

上親擢十一人再試於

乾清宮

臣

升元完卷後蒙

召對移時抵暮



命侍衛執燈伴至閣門恭紀  
蔡升元

甲子初元運

勲華復旦時。

治隆參化育。

道大統

君師。聲教敷寰宇。甄陶勵庶司。特開

天祿閣。齊賦柏梁詩。應



詔陪鴛侶。含毫集

鳳池春風

三殿轉

御札十行披。經術儒林重。昌言史職宜。  
懋勤調節候。

宵旰厯疇咨。欲探苞符祕。旁搜筆削遺。篇章  
雖小技。拜獻實先資。通籍經三載。銜



恩借一枝。便便慙腹笥。碌碌謝囊錐。空擁青綾被。誰工黃絹辭。丹鉛標甲乙。冰鑑別妍媸。濫廁前茅選。旋膺

後命馳五題

親再試。羣彥許相隨。鈴索風初定。觚稜影漸移。筆床頒翡翠。硯匣啟琉璃。雪乳車渠盃。瓊漿鸚鵡卮。傳餐容促坐。握管



笑支頤。學並雕蟲陋。才無吐鳳奇。里

歌邀

帝賞。寶樹少人知。入夜千門靜。中天萬象垂。

分明瞻

紫極。咫尺傍青規。親切聆

溫語。委蛇勵素絲。

御爐香篆細。仙掌露華滋。歸院金燈晚。



還家玉漏遲。遭逢多異數。揚扈會

昌期。

造就曾無外。

栽培豈有私。同文今四訖。鼓吹樂雍熙。

蒙

恩賜

御用嵌玉漆匣松花石硯恭紀



蔡升元

皇媧五色石補天。一片墜落東海邊。  
孕星吸月亘萬古。渾沌鑿破知何年。  
流入松花江水碧。星月時時動靈魄。  
偶然巨璞出人間。礪角磨刀同棄擲。  
我

皇一見非凡材。惜茲美質空沉埋。命工采取



探石窟。剗雲劖。雪驅風雷。

興朝王地神物聚。運際文明光燄吐。昔  
年剝落掩苔痕。今日磋磨登

御府。琢成綠玉硯玲瓏。龍尾鳳咮將毋同。因  
方遇圓奪天巧。華腴古色追帝鴻。

聖人窮理物自格。前民利用勞規畫。尋常礪  
石等砥砭。一經



睿製成圭璧。山之骨兮水之精。涅不緇兮磨  
不磷。益毫起墨壽最古。

御銘彪炳千秋珍。

微臣

何幸首蒙

賜同列傳看誇盛事。宣來

天語更分明。松膠蘭穗宜常試。髹漆爲匣玻  
璃光。蟠螭壓紐瑜瑾良。石肌瑩淨美  
可鑒。松幹偃屈清而蒼。此硯曾經列



玉案。烟雲繚繞資揮翰。拂拭猶榮。

御墨香。綃緘常見榮光爛。玉堂法物輝璠璵。

傳家瓌寶稱球圖。硯田筆耕本儒業。

況從

天錫尤魁殊。因思

臣

質本瓦礫。椎魯由來未

雕飾。甄陶感得

造化功。頓教璞石增顏色。願托貞珉勒寸私。



難窮墨海紀

洪慈。一生忠義研磨老。記取東坡石硯詩。

蒙

恩賜玻璃器具恭紀

蔡升元

玻璃南方貢。聞具五色英。又聞出頗  
黎。物以國得名。後來仿其意。冶煨術  
稍更。虛傳冰玉號。但作珂子形。我



皇本天縱。創制準物情。法良民利用。力省功  
易成。內造不一器。玻瓈亦獨精。皓姿  
帶月皎。粹質含風輕。纖塵絕點污。秋  
水一潭泓。從來五常修。祥符見玉璫。  
以此

聖世瑞。價應擬連城。

殿頭忽



宣賜。潑眼光輝生。大者如盆瓮。小亦如鼎鐺。

或如尊彝制。或如翠金青。斑斑饒古

色。耀耀流繁星。捧持到蓬華。羅列四

座驚。虛室夜氣白。晴窗朝景明。摩挲

體滑膩。戛擊聲琮琤。謾誇車渠盃。豈

羨琉璃瓶。珍藏襲綈錦。世守同金瓊。

試以酌春酒。持滿戒器盈。對茲冰壺



潔願况臣心清。



皇朝詞林典故卷三十四







